

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA MOJA

KIKAO CHA THELATHINI NA NNE

22 MEI, 2018



ORODHA YA SHUGHULI ZA LEO

MKUTANO WA KUMI NA MOJA

KIKAO CHA THELATHINI NA NNE – TAREHE 22 MEI, 2018

I. DUA:

II. HATI ZA KUWASILISHA MEZANI:

**WAZIRI WA MAMBO YA NJE NA USHIRIKIANO
WA AFRIKA MASHARIKI:**

Randama za Makadirio ya Mapato na Matumizi ya
Wizara ya Mambo ya Nje na Ushirikiano wa Afrika
Mashariki kwa Mwaka wa Fedha 2018/2019.

III. MASWALI:

OFISI YA RAIS (TAMISEMI):

**287. MHESHIMIWA ALBERT OBAMA NTABALIBA
(BUHIGWE):**

Atamuuliza Mheshimiwa Waziri wa Nchi, Ofisi ya
Rais (TAMISEMI):- Akina Mama na Vijana wa

Jimbo la Buhigwe wanajituma sana katika kilimo na uwekezaji:-

- (a) Je, ni lini Serikali itawasaidia kimtaji ili waweze kujikomboa;
- (b) Je, ni kiasi gani kimetolewa kuwawezesha akina Mama na Vijana katika miaka ya 2010 hadi 2017.

288. MHESHIMIWA HUSSEIN NASSOR AMAR (NYANGH'WALE):

Atamuuliza Mheshimiwa Waziri wa Nchi, Ofisi ya Rais (TAMISEMI):-

- (a) Je, ni lini Walimu wataboreshewa maslahi yao pamoja na nyumba za kuishi;
- (b) Kwa juhudi za Mbunge wa Jimbo la Nyangh'wale ameweza kujenga madarasa mawili katika Kata ya Izunya kwa lengo la kuanzishwa Shule ya Sekondari tangu mwaka 2014; Je, ni kwa nini Shule hiyo haijafunguliwa hadi sasa ili kuwapa moyo Wafadhili.

289. MHESHIMIWA ALFREDINA APOLINARY KAHIGI (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Madarasa na Ofisi za Walimu katika Shule mbalimbali katika Mkoa wa Kagera ni mabovu:-

Je, Serikali inawasaidiaje Wanafunzi wa Kagera kupata mahali pazuri pa kusomea kadhalika na Walimu wao wapate Ofisi nzuri ili waweze kufanya kazi zao kwa ufanisi mkubwa.

WIZARA YA MAJI NA UMWAGILIAJI:

290. MHESHIMIWA HALIMA JAMES MDEE (KAWE):

Atamuuliza Mheshimiwa Waziri wa Maji na Umwagiliaji:- Baadhi ya maeneo katika Jimbo la Kawe yanakabiliwa na changamoto za upatikanaji wa maji safi na salama kwa kipindi kirefu. Maeneo kama Kata ya Mabwepande (Mtaa wa Mbojo, Mabwepande, Kinondo), Kata ya Makongo (Mtaa wa Changanyikeni na baadhi ya maeneo ya Mtaa wa Makongo Juu), Kata ya Wazo, Mbweni na Mbezi Juu, na changamoto hii sugu ilitarajiwa kupungua na kumalizika kabisa baada ya mradi mkubwa wa maji wa

Ruvu chini kukamilika ambao kwa sasa tayari umeshakamilika:-

- (a) Je, mikakati ya usambazaji maji pamoja na mabomba katika maeneo ambayo hayana mtandao wa mabomba ikoje ili kutatua kero husika;
- (b) Je, ni miradi gani inayotarajiwa kutekelezwa, muda wa utekelezaji, gharama za kila mradi na nani anayewajibika katika utekelezaji.

291. MHESHIMIWA AUGUSTINO MANYANDA MASELE (MBOGWE):

Atamuuliza Mheshimiwa Waziri wa Maji na Umwagiliaji:- Visima virefu vimechimbwa katika Vijiji vya Lugunga na Kabanga (Mkwani) na maji yakapatikana lakini shughuli za ulazaji mabomba na ukamilishaji umekwama:-

Je, Serikali iko tayari kutoa utaalum na fedha kukamilisha miradi hii.

292. MHESHIMIWA SILAFU JUMBE MAUFI (VITI MAALUM):

Atamuuliza Mheshimiwa Waziri wa Maji na Umwagiliaji:- Kumekuwa na changamoto katika kuwapatia maji safi na salama Wananchi wa

Mikoa ya Rukwa, Katavi na Kigoma pamoja na kuwa Ziwa Tanganyika na Ziwa Rukwa yako katika Mikoa hiyo:-

Je, Serikali sasa haioni umuhimu wa kuanzisha mradi wa maji kutoka kwenye vyanzo hivyo na kusambaza kwa Wananchi wetu.

WIZARA YA KATIBA NA SHERIA:

**293. MHESHIMIWA VICTOR KILASILE
MWAMBALASWA (LUPA):**

Atamuuliza Mheshimiwa Waziri wa Katiba na Sheria:-

Je, Idara ya Mahakama iliandika Ripoti za Sheria (*Law Reports*) ngapi kwa mwaka 2017.

**WIZARA YA UJENZI, UCHUKUZI NA
MAWASILIANO:**

**294. MHESHIMIWA SOPHIA HEBRON
MWAKAGENDA (VITI MAALUM):**

Atamuuliza Mheshimiwa Waziri wa Ujenzi, Uchukuzi na Mawasiliano:- Wakati ujenzi wa barabara muhimu ya Ipinda – Matema ukiendelea:-

Je, ni lini Wananchi, Taasisi kama Makanisa na Ofisi za Vijiji katika Vijiji vya Matema, Katusyo, Mababu, Ngyekye, Katela na Ngeleka ambao hawajabomoa majengo yao kwa sababu hawajafidiwa fidia zao ambayo kimsingi ni haki yao na kupisha ujenzi unaoendelea wa barabara hii muhimu sana katika maendeleo na uchumi wa Wilaya ya Kyela Mkoani Mbeya zitalipwa fidia hizo.

295. MHESHIMIWA JUMA SELEMANI NKAMIA (CHEMBA):

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, ni lini barabara ya lami kutoka Handeni – Chemba – Kwamtoro hadi Puma Singida itaanza kujengwa.

WIZARA YA MAMBO YA NDANI YA NCHI:

296. MHESHIMIWA SIKUDHANI YASINI CHIKAMBO (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Kuna upungufu wa magari katika Vituo vya Polisi Mkoa wa Ruvuma.

Yaliyopo sasa ni mabovu kabisa na hayafanyiwi matengenezo kutokana na ukosefu wa fedha:-

- (a) Je, Serikali ina mpango gani wa kupeleka magari kwenye Vituo hivyo;
- (b) Je, ni lini Serikali itapeleka pesa kwenye Vituo hivyo kwa ajili ya matengenezo ya magari na mafuta ya magari hayo ili Polisi waweze kufanya kazi zao kwa wakati.

IV. HOJA ZA SERIKALI:

WAZIRI WA MALIASILI NA UTALII:

Kwamba, Bunge sasa likubali kupitisha Makadirio ya Mapato na Matumizi ya Wizara ya Maliasili na Utalii kwa Mwaka wa Fedha 2018/2019.

(Majadiliano yanaendelea)

**DODOMA
22 MEI, 2018**

**S. KAGAIGAI
KATIBU WA BUNGE**